

MALFRE (Jean), notaire de Villebrumier, minutes 1652, f° 90 (v°) & ss., Archives départementales de Tarn-et-Garonne, cote 5 E 9402, PH/MCAS/101.

x a / d. x a m.r
vacqué

x a donnadieu

Testament donnadieu

Au nom de dieu soict amen sachent tous presans
et advenir qu()aujourd'uy **dix septiesme avril mil
six cens cinquante deux a villebrumier et maison du
testateur** bas nomme scitueé a()la **rue haulte** apres
midy &a regnant louys &a par devant moy no(tai)re
royal soubz(sig)ne et presans les tesmoingz bas nommés
personnellemant estably **jean donnadieu
vieux brassier** dud(it) villebrumier lequel gisant
dans son lict dans la chambre de sad(ite) maison regardant
le midy detenu de()certaine maladie corporelle toutesfois
estant en ses bons sans memoire et cognoissance
bien voyant oyant et parfaictemant parlant considerant
n()y avoir rien de()plus certain que la mort ny de
plus incertain que()l()heure d()icelle de()son bon gré non
seducit ny suborne de()personne comme a dict a faict
et ordonné son testament nuncupatif en la forme et
maniere que s ensuict premieremant a faict le
signe de la croix sur sa personne disant un nominé patris
et filii et spiritui santi amen, apres a()recom(m)ande
son ame a()dieu le pere tout puissant le priant de bon
coeur luy faire pardon et misericorde de tous ses
pechés par()le merite de()la mort et pation de()son fils
jesus christ n(ot)re seigneur intercession de la glorieuse
vierge marie sa mere saintz et saintes de()paradis
et qu()apres la separa(ti)on de()son ame d()avec son corps
vouloir colloquer sad(ite) ame en paradis ^° quand
a ses honeures funebres s'en remet a la discreption
de **quiterie de()gavalda vefve de adam donnadieu son fils**
de()quoy elle fera rolle et en rettirera quittance s as(s)urant

.....
iiii^{xx}. xi

qu()elle en s()en aquitera, donne et legue led(it) testateur
a **jeanne donnadieu sa filhe femme de jean bouisset**
cinq sols t(ournoi)z une fois payable par ses her(iti)ers bas
nommes dans l()an de son deces et moyenant ce et
la constitu(ti)on [par]()led(it) testateur faicte a lad(ite) jeanne
donnadieu lors de()son mariage avec ledict
bouisset la faicte son heritiere particuliere et
veult que ne puisse autre chose demander sur
ses biens et hereditte et en tous et chacuns
ses au(tr)es biens noms voix droictz et actions

en quel lieu et part qu()ilz soient scitues et luy
puissent appartenir led(it) testateur a faitz et
de sa propre bouche nommes pour ses
heretiers univiersels et generalz sçavoir est
**jean donnadieu fils dud(it) feu adam donnadieu
et de()lad(ite) de()gavalda** et le postum duquel icelle
de guavalda peult estre enseincte a()partir et
diviser sad(ite) hereditte en deux partz et portions
et chacun d eux en faire et disposer apres
le()deces dud(it) testateur a ses plaisirs et volontes
tant en la vie qu'en la mort et l()un ou l()autre
desd(its) enfans venant a deceder sans enfens
de()legitime mariage ou sans faire de testament
le substitue de l()un a l()autre et au cas
icelle quiterie de()guavalda soict enseinte
d()une filhe icelluy testateur luy donne et
legue la somme de quarente livres t(ournoi)z un lic
garny de()coitte et coissin rampli de cinquante livres
plume et une flessade de()valeur de()huict livres t(ournoi)z

.....
plus quatre linseulz deux de()prins et deux grossiers
et une robe raze de()la couleur qu()elle voudra payable
sçavoir la moitye lors de()son mariage]et l()autre[
ensemble le lic linseulz et robe et l()autre moitye
dans un an apres jusques auquel temps veult
qu()elle soict nourrie et entretenue sur ses biens
et venant a()deceder sans enfens ou sans f(air)e
testament luy substitue sond(it) heretier comme
aussi sy led(it) jean donnadieu sond(it) heretier vient
a deceder au cas que dessus luy substitue
lad(ite) filhe de laquelle icelle de()guavalda peult
estre enseinte comme dict est et tant sond(it) her(iti)er
heretiers et lad(ite) filhe viendroit a()deceder au
cas que dessus ^° en ce cas leurs substitue
la()sused(ite) jeanne donnadieu sa filhe femme dud(it)
bouisset pour f(air)e de()ses biens et hereditte a ses plaisirs
et volontes tant en la vie qu()en la()mort #° et parce
que led(it) jean donnadieu est en bas aage e(t) pupillaritte
led(it) testateur luy donne pour tuteurs **jean donnadieu
son frere** et lad(ite) quiterie de()guavalda sa belle filhe
ensemble au postum ou postume]qu'icelle[duquel
lad(ite) de()guavalda est enceinte les priant de leur
conserver et regir ses biens en bons menagers
et leur en rendre bon et fidelle compte et tel
a()dict estre son dernier et valable testament nuncupatif
et disp(osition) de derniere volonte que veult que vailhe
par droict de()testament codicille ou()donna(ti)on faicte
a cause de()mort cassant revoquant et annullant tous
autres testamens codicilles et donna(ti)on qu()il
pourroict avoir cy devant faitz au moyen

i^{^o} donne et()legue led(it) testateur a()lad(ite) de()gabalda sa belle filhe
pour les bons et agreables services qu()en a()receus et espere
d()en()recepvoir la()somme de()vingt livres t(ournoi)z payables dans l()an
apres led(it) deces po(ur) en()f(air)e a()ses volontes en la vie et en la()mort et
aussi

Sudre Delcros J Vaysse

iiii^{xx} xii

du presant mesmes quand en iceux y auroict
clauses desrogatoires voulant et e(n)tendant
que le presant testament sorte son plein
et entier effect priant et requerant les
tesmoingz bas nommes q(u'i)l a recognus et nommes
l()un apres l()autre se()souvenir de()son presant
testament et a()moy no(tai)re luy en()rettenir]æte[
instrument ce qu()ay fait ez presances
de m(aîtr)e jean sudre p(rest)bre et recteur jean vaisse marchant
guillaume delcros musnier soubé(sig)nes adam]et...[
pradines j(e)une pierre pradines, jean ratie
brassiers dud(it) villebrumier quy et le testateur ont dict
ne scavoit signer et moy ^{^o} item a()dict vouloir
qu()apres la()separa(ti)on de()sad(ite) ame d()avec son
corps vouloir sond(it) corps estre ensepvely au
simitiere dud(it) villebrumier et tumbeau de ses
predecesseurs #^o et sy jeanne donnadieu
et ses enfens vienent a deceder sans enfans
ou f(air)e testament aud(it) cas veult et entend
led(it) testateur que son hereditte vienne de
plain droict a()jean donnadieu son frere ou aux
siens du bien que lad(ite) jeanne donnadieu et
ses enfens recuilhent au cas q(ue) dessus son
hereditte led(it) testateur donne et legue aud(it)
jean donnadieu son frere ou aux siens en cas
il soict decede le corps de()maison q(ue) led(it)
testateur a scitué a()la()**rue de()l()hospital** s(e)ullemant
quy joint et confronte la **maison de son habita(ti)on**

ou il fait son presant testament et la somme
de trente livres t(ournoi)z payables dans un an apres le
deces de lad(ite) jeanne donnadieu et ses enfens

Sudre, aprobant les guidons

J. Vaysse, aprobant les guidonz Delcros, aprobant
les gidounz

Malfre, not(aire) r(oyal)